

知命者至耶享年五十有九死之日家無餘貯惟有
書五千卷皆手自校緝者遺文若干篇某人集為五
十卷公舉進士時故紫微呂夏卿為南省点校官得
公卷曰詞賦賸鹿策論深博其文似荀卿子雲主司
以為知言推此言而可以知其他制作之體制也夫
人清江縣省以同郡家士淇之女一子曰元方用公
遺恩承務郎三女曰保姊曰館外皆幼曰榮外早亡
初公熙寧中遭正議公憂未幾母夫人仁和縣君楊
祖母仁壽縣君刘相繼并奉值歲之不易并舉三大

喪而祖塋無可塋者遂謀去新淦而宅九江卜德化
縣某鄉某里之某穴吉躬冒山谷涉歷寒暑不數月
而冢宅成未終喪而室堂其鄉人見其區畫咸以為
得禮之實及公之長婦集吳君挈其孤相地之宜卜
某山某穴又吉于是六月某月日時克襄大事去正
議坐相望數里而近九域兆坐舍亦如其制此又得
孝子善繼之義也前期二季以德銘見屬又得建康
張舉狀公履行甚詳姑撫其大概及嘗所聞見者以
為之銘曰

遠矣孔氏四十八世曲阜封褒成是繼旁支屢遜
或越或冀新淦之族源同流異是生紫微鳳舉鴻儀
父子昆弟出遊 聖時高文大策陳當世之宜嘉
謨說論為天子所知元祐初載軋坤交泰公為諍臣
朝夕訥諫言無隱情病不辭憊耳目之寄方宣股肱
之虧已遠公生貢章有墓滎陽之先君之側又為公
歲止思道直厚恤其喪爰命介弟出使江鄉言瞻序
岫幽壘斯太上蠶澤出其南岷漢流其右慮岸谷之
或逸勒銘詩而示後是為有宋之名臣宣尼之遊曾

職方員外郎郭君墓誌銘

尚書職方員外郎知單州軍州事東平郭君以熙寧
九年三月己未被疾不起于州寢享年五十有五諸
孤奉表遠鄆藁散興化僧舍以元豐七年四月癸酉
克葬于平陰縣翔鳳鄉大田里從吉卜也先是先公
侍讀既葬于縣之肥城里餘三十年而太夫人尚無
恙一旦弃諸孫之春將謀合祔而視冢者曰白塋地
洿下而土疏惡占宜改宅去塋之北十里而近得今
新城于是合公夫人之柩厝大穴而郎中洎職方君

婦方昭穆以从附習士禮典通藝範者皆曰宜祿遂
掩壙焉君之先世自陽曲徙東土萊州萊陽縣今贈
尚書祠部員外郎諱年追封清河縣太君張氏曾祖
考妣也解州解縣今累贈禮部尚書諱禹傳追封彭
城郡太君徐氏廣陵郡太君王氏睢陽郡太君宋氏
祖考妣也翰林侍讀季士給事中累贈吏部尚書諱
功仁壽郡太君李氏考妣也君初名元廣字永叔後
從進士更名源明字潛亮少自修飭奉措必踐規矩
接人無墮容無僂言至講論義理則毅然不可抗奪

秉筆為文章不待師友之益而自成風格既舉有司
名籍場屋嘉祐二年春沈翰林選祖集吳無擇主試
別頭得君程文實高尋又稱誦于朝不容口既而擢
第遂為時聞人初用父任將作主簿三遷大理丞歷
監曹充二州監稅在京葉密庫尤圖閣直季士知永
興軍曹賴琳辟掌機宜辭不赴知越州肖山縣之
宿豪有父子為姦利者悉捕而置于法有育孤女過
時不嫁而利并其財者諭以禮律使傾貲以配良人
太守刁約聞之曰郭肖山厭民望矣堂臆舟餘杭津

亭聞客有後至欲泊者亟徙以避杭守嘆其不事
榜亭為讓後避諱改曰礼归朝監永豐倉累迁殿中
丞太常博士治平二年用今丞相王郃公承季士詔
荐御史為監察裏行于時呂誼范純仁等六御史諫
官以議濮安懿王祔廟稱說不合相繼罷職君受命
之日拜疏論列以謂誼等忠言最論許國大義可從
可程無名斥去望追遷舊職而罷臣新命詔許上遺
除書 今上登極推恩由尚書屯田員外郎迁都官
唐質肅公為中丞奏請復臺職既叅知政事又荐陸

陞任遂擢知華州秦鳳副總管主日回易使過郡監
稅錢羨以不即赴務解州：鞠回易如法又投閩人
以引入城不得為漏稅羨陰以狀白提刑雷同輔移
劾旁郡而周輔遠至辨爭不勝奏以為詢詈使者而
郡官亦上其事至遣使即訊君卒不自直遂免所居
監淮陽軍酒稅而周稅亦坐撓法罷任君不以左官
芥蒂晨入暮出如常僚本道安撫監司交章言其办
職滿二歲移知汝州：卒有成边者厭苦其主帥苛
暴羣訴于前辟涉犯上既罷更有密旨誅及党革公

察非事誤為奏請會有德音原貸者甚眾歲餘廷議
州不行政單父未几呂叔三司度支判官以親年懇
朝廷嘉其誠孝听仍留任俄而改職方以卒君趣尚
高莫不以得嬰心力李楷古常欲見于行事故立朝
在仕勇于敢為而無所避悼熙寧初轉對上封言五
事一日撫夷狄謂解西師以弭邊患二日惇禮範謂
人臣年至請老以全名節三日信命令謂任官出令
執政審可然後奏行四日正刑辟謂監司失職宜隨
事輕重从行責降五日澄吏源謂恩澤入仕路之根

泉宜有裁損又謂天灾地震皆陰侵陽目強兵挫夷
狄內侮之應望責任宰相內修治道外戒兵備以消
厭未萌大抵指切時事忠精無厭觀其可以見其
志矣平生每遊多一時方勁之士瀛帥李師中誠之
尤相厚善誠之貶官過單白連三累月涕泣不忍別
蓋趣舍同而久要固也素通術數深信定分疾且草
取其書閱之欷歔反面不復有言嗒焉委順非篤于
信道渠能臻此惜乎年與位皆負其實使不得大施
于時此士友所以嘆惋也夫人李氏工部侍郎應機

之孫大理評事咸寧之女前十六年卒子男五人日
茂倩何南府法曹恭軍次日茂恂奉詔郎提本陝西
買馬監牧司公事次日茂澤承事郎次日茂曾次日
茂雍未仕女五人二早亡次遣奉詔郎亞卿封文安
縣君後君六年卒次遣宣教郎蘇熹次在室孫十四
人孫女九人初侍讀公之薨也君援學士褒卹例請
于朝特詔贈禮部侍郎君亡之五年茂恂為秘書丞
加贈都官郎中而茂恂未登朝時與其弟茂澤愴夫
人之不逮卷各以當廷一官求換邑封仙源縣君他

日又進封隴安縣太君積善貽慶子孫善守家法官
學相繼可謂有後矣予每君世契且親義分尤著諸
孤才固不朽猥以見屬撫實叙事繼之以銘曰
郭氏系周胙土于武仲牀二親牀謂鼻祖平王之東
絕而復封謂親為郭遂啓厥宗分支別派燕隗齊最
東都况躬西京欽解杜陵穎川盛于歷代爰分汾陽
為唐上宰 本朝甲族太原東平武惟石戚文則貳
卿于顯貳卿遼辰遠至寔生二子為時良器伯也清
方隱吏潛郎仲氏亮直名稱最良仲之立朝不飾不

矯屢抗封章 帝用褒表躬雖遠臣心不忘君再拜
臺省荐陞長人兩守藩郡仁聲益振才高命促卒亦
難進曲阜崇岡在汶之陽祖孫同城龜筮表祥其祥
謂何百世之裕令名不泯茲邱蓋固

國子博士陸君墓誌銘

國子博士山陰陸君諱珪字廉叔尚書吏部郎中直
昭文館贈諫議大夫諱軫之子贈光祿卿諱昭之孫
以熙寧九年五月癸酉卒于濠梁之官舍以明年九
月丙辰葬于金稽縣表孝鄉趙樂峰之南原日月有

期矣諸孤以國子直講龔君原之狀求銘于所知者
謂予昔嘗使淮南表君之治效為一道令宰之最又
堂主禮部貢奉奏君之仲子佃為第一然則不得為
不知者也于是以文誌其壙云君始以父任為太廟
齋郎景祐中補湖州武康尉其令老且闇邑事無細
大皆屬之君七年始冠矣而審事如理議者謂宿其
官不及也再調信州司法叅軍州將張鑄以慘急眾
下無敢與抗者君數爭曲直于前終不為所奪用薦
者廷杭州南新令誦其尉馬唯一貪贓系于獄或謂

法無縣令下佐官獄事以此獲諱可惜對曰苟畏吏
議而屈于山人我不能也滿秩改睦州錄事恭軍衛
娶之訟有未決者皆願移于君曰雖得罪犯甘心也
考課擢大理寺丞知明州奉化揚州天長二縣皆以
嚴著稱辨析奸隱如已親見之楊之大姓湯氏二
分財兄訴其弟為異姓子不當有分法父母既亡則
以籍為定而江都廣陵之籍先為其兄購毀之情孰
奪矣又下天長君盡案架閣遠歲案牘閱之得慶曆
中州帖有其弟之名者上之州是時州倖呂君希道

遭治其事嘗謂予曰十年滯訟用是以決之非有徒
令安能办此太守韓玉汝亦稱之為有君子之剛而
邑人謂其政可繼也孝肅公蓋公嘗宰是邑有遺愛
故也然公之為政自明至曠雖退食不去所廡而邑
事以治君之政以聰察為先過其庭者肅如也方畫
則無白人而邑事亦治由此言之政無繁簡要之實
惠在人則久而益思也會葺縣解財用不足請于州
不可調于民又不可於是使人有罪非重故者皆得
贖金以助費不日而工告完後使者以為法不當尔

故奏罷之左廷監濠州酒稅至則濠人謹曰此天長
陸君也州以事委之者十七八君亦精力不憚煩苦
浚虽病癰瘡猶勉臨務間或移告則州人乘門請
起轉運使楊君汲荐之曰古所謂盡瘁于國者陸某
是也方茲時朝廷切于用才不一年次擢者前後相
望而君之資遠逸世又有知己者在朝人皆期其行
且見用矣不幸奏始下而君已亡嗚呼命也乎享年
五十五有大集二十卷君少時通敏有才氣好學尚
義其僚壻孫咸敏公尤器待之曰奇才也鎮所奉進

士賈魏公置其程文優等後不中第亦不再舉曰吾
豈不得已者耶然性喜飲食酒每引滿怡然以之酌
酢事交愈碎而愈明嘗以所生母喪歸越治焦塢先
塋屬歲旱乏水日一有泉出其地中取汲足用既已
事而蜀烏鄉人以為誠孝所感也夫人毘陵边氏兵
部調之女號德安縣君生四男長曰佖尉氏縣丞次
即佃也審官東院主簿次曰傳真定府學教授季曰
倚舉進士君雖仕官齟齬不知志而諸子皆少年貌
立與當時巨公游声称已顯矣吳越之間多云吏部

有陰德君能教之忠也銘曰
所謂良吏其政平易雖以刑成卒由寬濟匪德匪威
孰克用又我見其人陸君是矣允矣陸君改以敵聞
風聲肅：雖歿犹存越山故鄉水深土厚邱隴在焉
聞望不朽

蘇魏公文集卷第五十九

燕魏公文集卷六十

墓誌

太中大夫陳公墓誌銘

朝奉大夫提典廣西刑獄公事胡公墓誌銘

太常少卿李君墓誌銘

西上閤門使王公墓誌銘

壽昌縣君王氏墓誌銘

贈右屯衛大將軍趙公墓誌銘

太中大夫陳公墓誌銘

有陰德君能教之忠也銘曰
所謂良吏其政平易雖以刑成卒由寬濟匪德匪威
孰克用又我見其人陸君是矣允矣陸君改以敵聞
風聲肅：雖歿犹存越山故鄉水深土厚邱隴在焉
聞望不朽

蘇魏公文集卷第五十九

燕魏公文集卷六十

墓誌

太中大夫陳公墓誌銘

朝奉大夫提典廣西刑獄公事胡公墓誌銘

太常少卿李君墓誌銘

西上閤門使王公墓誌銘

壽昌縣君王氏墓誌銘

贈右屯衛大將軍趙公墓誌銘

太中大夫陳公墓誌銘

太中大夫陳公諱繹字和叔其兄大名人皇考諱見
素以尚書屯田貞外郎通判河南府卒官即葬維氏
縣萬安山子孫因家洛陽遂為洛陽人公年七歲能
屬文机警有成人風屯田公尤器異之景祐中年十
七以開封府進士至廷試誤用韻不收慶曆初再奉
為別試第一早共美士大夫游已名聞于時自此益
大顯矣明年擢乙科調梁山軍判官改慎東軍節度
推官奔美良方正試秘閣箴中逸矣以書等异同報
罷再調西京留守推官嘉祐二年召試李士院充館

閣校勘編定秘閣書籍改著作佐郎秘書丞進某矣
校理刊定前漢書誤謬以母喪去位詔廳即其家之
校讎終制遠朝當是時 英宗即位二年矣抗恭已
謙默政事仰成輔相公以謂承平日久庶事寢弊乃
人主大有為之時因密獻五箴欲以感動上意其一
曰主斷其大略言主道雖不以事詔任矣良故在勿
貳然言取臣之要在知下之邪正 分則奸人無
所容而進者進矣其三曰廣度言養德兢畏則聖度
未廣退託謙虛則事有所不治故定國家之大計者

不必徇小節小謹也其四曰省謾言天之違告當應之以寔人事修則天意得矣其五曰稽古言觀古所以治今願詔近侍博采故寔度可施于今者倣而行之亦南面簡易之道也遷太常博士賜緋衣銀魚同判尚書刑部每閱天下奏案有情法不相當皆請識之或謂刑司惟馭正非是不當有所輕重公曰持法者欲得其平苟有未安豈可循默故事耶卒持持前議賴以未減者甚多一日奏事上前英宗面諭曰開鄉文學久矣真可任也遂除仁宗實錄院檢討

官 神宗嗣位遷尚書祠部員外郎書成改度支故事當次遷右右史公獨求外補出知涇州為治皆有條教民懷其惠至有給其象而祠之者就西轉運副使時嘗平法初下公以被過七州春旱奏免散斂事雖不報上亦稱其無隱晁改使京東過都入見留為三司判官詳定令式直舍人院修起居注遂拜知制誥賜三品服逾年為翰林學士未幾以疾請郡上遣安撫使滿一歲召远知通進銀臺司兼門下封駁事神宗嘗謂侍臣曰陳其論事不避权重此可嘉也又

詔掌 皇子踐奏權葬遣開封府前北都統獄稍疑
者多从中覆故堂壅滯得客吏奸上知其才特聽潤
畧旧制便宜靈決由是時無滯久之远翰苑兼侍
讀充郡牧使俄真領府事每奏對堂累刻所言多合
上意人謂行且大用矣值劾司農吏盜用官錢獄未
竟中書五房檢正張諤實領寺事懼有失察奉之罪
遂用白帖詰其滯留狀公遣主吏持案牘示諤明無
違滯而言事者以為曲徇宰屬將縱出有罪公亦不
自明也罷職出知滁州自謂近臣謫守当夙夜功成

不得與他官比是歲淮甸艰食不待振出官廩以振
流殍民用安集郊祀推恩復知制誥既而改秘監書
集英院學士知廬州徙蔡州又徙潭州未之官拜右
諫議大夫知廣州兼本路經畧安撫使撫輯蠻蜒遠
人安之海舶大至編戶富實邊繕城郭浚溝池不勞
民而功必上賜詔書獎諭官制行改太中大夫龍圖
閣待制知江寧府踰年左迁中大夫知建昌軍 今
上即位復為太中移密州元祐三年正月己巳終于
州宅之正寢享六十八公為人矜嚴有礼馭家人如

官府其為政急豪党而寬善良所在宿奸巨猾畏縮不敢犯與人交不苟合一相契則驩欣無間視異己者猶冰炭然枉直必較無容毫髮雖僚友皆敬憚之然亦以此悔在廣州時嘗戒子弟市藥物必案方劑銖兩示無過取其慮畏如此而粵俗尚鬼有病必禱于佛祠方霧潦薰蒸瘴疠大作公命以帑錢製浮屠屠像置郡廨日為之祈禱俄而幼女亦被疾禱之有應遂用私財做為一像罷郡持去遣与部使者太上隙亟業奏其事詔獄窮治以為以私像易官傳刺利

數百金寘之源文 神宗閱奏案其情曰以事佛故被重辟亦太甚也遂薄其責聞者乃知其非以毫末之利自汙也公屢乞謫而未嘗芥蒂于心胸躬在遠方而斯須不忘朝廷初至高竈聞洮河守將獲番酋鬼章生致闕下州郡當奉表賀公因又表奏疏曰陛下即位之初凡興邊事無大小踈近之臣一切廢不用于今二年四鄙無患此聞西帥獄戎俘圖賞功級誠恐由茲生事夷狄漸不可長臣嘗預修 仁宗實錄見康定慶曆間論西事者爭言攻討之利惟范仲

淹獨異不合自好水川之敗方深懲艾願以此戒邊
臣無貪小利使夷狄懷服恩信天下幸甚公性至慎
密嘗對上自陳不敢有毫髮欺在內廷造辟之言子
弟亦不得聞以此天子尤听信之方年少時銳意功
名自謂遭時遇主無不可為者亦既遭遇矣動輒沮
黯晚歲益甚佃翔州郡就謂尚可為也而卒不得如
其所欲齋志以致此士友所以為之太息也在郡遘
疾且革笑犹不廢事前一日頌為其子曰白太傅詩
云遲徊且住亦何妨也足為達理世事何可窮耶吾

吾于此了然矣凌晨整衣冠隱几而逝嗚呼可謂能
知終者也公文格清峻無塵言累語尤長于論事嘗
被詔修宰相拜罷錄撰東西府記及其他所著十數
萬言諸子編集為三十卷藏于家自登朝所領職事
知太常禮院判登聞鼓院者再判司農寺昭文館尚
書祠部禮部提舉司天監進奏院知審官東院主管
三班院館伴遠使者一勲累上柱國爵開國侯食邑
千六百戶曾祖諱瑩祖諱光覲累贈特進皆隱德不
仕公之貴贈其父開府儀同三司追封母樂氏哀國

夫人配謝氏太子賓客濤之孫女將作監主簿論之
子封樂平郡君男七人彥輔承奉郎彥威彥恭並先
亡彥成宣德郎彥達太廟齋郎彥環承務郎彥武未
任女四人長適化田員外郎姚甫三尚幼孫男七人
端靖、宣假承務郎靖直靖洵柔靖國靖莊未仕孫
女一人適溧陽主簿饒蒙諸孫將以元祐四年四月
庚申葬公于先塋之次前期彥成與季父太府緹叙
公之履歷事迹屬秘書正字張君績為之狀抵予求
銘以誌其壙予惟與公同遊場屋再擢科第登儒館

歷近班領臺閣且五十餘年雖中間契濶而音耗不
革撫事懷往不覺涕淚之沾体因抒言長以寄情抱
銘曰

剛柔勇怯本乎性用舍行藏固有命愚達賢窮力匪
競人能順之受其正倚嗟和叔敷而通始亨終否由
其遘方當遇合言听從一罹口詔智盲奪心在朝廷
迺州郡江海雖遙言屢進再斥復還地益峻遠蹠未
奮修途盡文章縱橫經世才命不我与徒卷懷英風
偉績空沉埋刊名幽堂示方來

朝奉大夫提點廣西刑獄公事胡公墓誌銘
建安胡氏自職方府君諱頤之壯年官豫章感目疾
遂致政卜居本郡子孫因家焉今為豫章某縣人職
方府君以文學政事聞于時明道景祐間數上書論
朝政得失已退事任矣 仁宗特許詔驛奏言事當
時名卿莫不高其風範生吉水主簿諱奕始冠進士
第終于一命生大夫諱及字考父初名克儉避嫌更
之職方既致政得補郊社齋郎調饒州餘干泉州晉
江二縣尉廷黃州軍事推官改大理寺丞 神宗登

極轉太子中舍知建昌軍南豐縣南豐在江西最為
大邑編戶數萬多豪右著姓訟爭既繁胥吏操其柄
前後令罕能勝之者考父夙當富吏能復得家法初
為邑尉已嶄然出鋒穎摘奸鋤強民不敢犯至是察
見俗弊欲有所為故先召里中父老坐廷下訪其土
俗利病所在鈞得其寔然後為條教纖悉必盡故令
出而人伏犯者一切不貸前後發變宿賊黥隸者九
人又嘗籍其鄰里鄉党如伍保法使相箴察以索奸
盜邑故多掠良人子售為奴婢遠近相蒙莫有窮究

至是有犯必得其弊遂絕違將滿也邑民千餘輩列
疏其政事之尤著者十數條叩軍守邊監司願由借
再任事聞于朝 神宗異之代還吏部試治煩令差
知潭州長沙縣熙康初常平法行令丞相章公察訪
兩湖業募役平徭法而長沙獨得其要領奏書為諸
縣之最又被使檄均徭人禁田與毛漸吳居厚分行
山嶽重篁竹間區窰其生熟僚有犷悍拒命者面告
以王師誅逆拊順之意無不歡呼服役不旋日而一
方遂定賞功廷国子博士驛召赴熙河準備差遣晁

通判通遠軍凡論邊事以速斥埃謹疆境為先務與
帥臣議不合乃以母老求便鄉帥臣以為如其言則
人亡欲去矣以此坐免既歸朝粹不問差知楚州漣
水縣是歲淮甸旱蝗禱神祠修湖場一日雨澍蝗殲
邑人以為宰君誠感所致京尹察公延慶荐為左軍
巡判官出通判登州官制行換朝奉郎廷朝散勾當
京東排岸司從式卿蹇公辟命為開封府推官白制
京京尹得辟府僚一員官制行悉罷矣蹇公面荐于
神宗朔日以詔執政曰周輔欲且仍回自辟察官

得否執政唯諾又問胡及何如皆曰才于是特以命
之今上即位進朝請郎坐治書生妄為詔草獄不竟
左廷通判定州今樞密韓公作師喜得吳佐待遇尤
厚屬歲之不易北道艱食安撫監司悉以荒政之事
付之于是開厚庾代薪多以哺流冗施設有宜民復
州憲在郡進朝奉大夫從知吉州去定之日老幼遮
道呼曰我曾前日免殍止皆公之賜也遭母夫人之
喪不之官外除知濟州未行改提點廣西刑獄公事
在道感疾至泗州不起享年六十二考父性敏悟自

修飭介立不倚于吏事特為明辨所至有治狀當路
多推荐之端明蔡公襄政事為當世表寮屬鮮有合
其意者守泉州日謂人曰郡官中胡及葉康直吏才
皆有过人者王荆公初執政聞其南豐之譽數詢廣
座曰識此人否登見之問曰久于縣道知民疾苦宜
莫如君之詳也有可以補于時幸一二疏示因具近
歲州縣得失十數事上之荆公雖不盡用其言然獎
待甚至自熙河歸過洛見司馬溫公勞苦之曰西
垂本事得志者數百人君獨不意而歸其有以乎後

溫公得政未嘗通訊問名穀以此不相聞終亦齟齬
晚歲稍階進任又復不壽嗚呼才非不試也卒不得
一如其志知之者非不力也竟不見用豈所謂分定
不可移耶其遠然耶此有志之士可以為嘆惋也少
好讀書然不能守章句故不以此進取作詩效杜甫
體往：有佳句聞于僚友喜風角街在通遠堂予主
帥書曰晨起西北有赤氣冒城郭占曰其下故萬人
唯戒諸將毋擅興事可以免耳不數日景思立戰敗
如其言夫人蘇氏封仙源縣君予之姑也次孫氏太

和縣君某官某之女某官某之弟七男子曰潛某官
曰某皆未仕一女子長適丞務郎彭詢 未行景祐
初先太師通判洪州先祖司徒公方待次郡中與賊
方公素以道義相契相過从予在侍下嘗應門左右
時大夫與姑氏齊年襁褓遂訂姻好自此通家殆今
六十年矣考父于予尊行也相視如數者蓋自幼少
從游絕去形迹一無間然葬也諸孤求銘予操觚牘
感時昔不覺涕下之沾頤也銘曰

薛昔有言凡今為吏自有資材非學能至有若考父

得之尤遂豈特天資亦自家世惟祖遺孫政以能聞
亞尹倅戎已試吏煩賦稼植榆亦著邊勤析符為州
揚節奉使曾未設施或從或踵時亨命塞孰能付界
我勒斯文誌于羨隧

太常少卿李君墓誌銘

太常少卿李君諱規字子襄其先世曰知謙自兼州
徙籍于開封之祥符縣是為君之曾祖有子曰延美
是為君之祖實生皇考諱從憲雖不仕君家而能教
子以問學枕及見其成名當君擢進士第于景祐之

初歷官為鄭州之新鄭江陵之江陵兩縣主簿而皇
考始以壽終服既除調許州長社主簿就廷舞陽縣
令改著作佐郎知汝州梁縣會秦師之喪瘞于邑中
隸卒輩挾勢其所傷平民者君械系于獄其家厚為
之請卒亦不釋自是至其境者無不肅然從知漢州
棉竹縣以不便親養請監陝州商稅雅為故樞相張
康節公所知公帥秦慶連辟掌其府機宜以行樞管
又荐之于朝累廷尚書屯田員外郎簽書陳州觀察
判官公事以母憂去職終喪為陵臺令兼知永安縣

事諸陵歲時之祀皆有常制而宮嬖宦官或私有所
厚薄君諱日對便殿言之仁宗稱善少室山隸縣
境林木茂望之鬱然異時嘗為佛寺據其地一日民
有伐薪為炭而為寺僧所歐者兩造于縣僧曰此地
自唐以來皆在寺籍碑識具存請以為驗君一見辨
其偽悉治以法因諭民曰凡境內之山林皆得樵牧
來者遂如歸焉有中使自邊州還致一山鹿命郵卒
負之而趨道于邑中因卒有辞怒而擊傷之君暴其
事乃聞于朝中人由是坐貶厓通判河陽官為都官

郎中矣是時朝廷方擢取材臣以為三司寮屬故用
君叔管度支判官公事判使荐其才改鹽鈔判官三
司歲料江湖草茶以輸京師吏常廣調其數至所積
陳腐不可食若乃量一歲之出以為賦入之限自
是歲省五十餘萬斤迄今便之改判開拆司接待
契丹朝正使者者郊近辞疾欲就外館改服君使人
進責之曰外館宴所常服而趨是慢上也使者不復
敢言卒如礼而入今上初嗣位詔羣臣轉對君上
陳強本足用阜財安民之說其言當世之務者皆有

條理見之者可以知其志也君為人寬厚沉敏恂
似不能言及其遇事敢斷介然有守是貴有力者不
可干以非義其慮畏尤有過人者秦庭故事郡官射
會中的者公帑以銀給之君以為取之傷廉辭之違
衆故終其任不赴公會自厯官未嘗役使官匠堂諸
諸子曰古人有言當官雖木枕亦不可為况什器乎
在計省三年建議居多不為苟合以希進累請補外
得知絳州代遠若有所不釋然者將老于家遂求監
嵩山嵩福宮既再任而以疾終于西京延福坊之居

第享年六十八時熙寧十年正月二十九日也其孤
以明年七月十三日葬君于河南縣太尉鄉偏橋里
之東原夫人杜氏祔焉君既升朝累贈其父至尚書
刑部侍郎母孫氏天水縣太君王氏仙遊具太君配
杜氏封福昌縣君繼蘇氏仁和具君子九人男千之
河南府澠池主簿卒于官奔之大理評事二女嫁潘
瑜張保源皆為州掾餘早夭孫九人君平生萬于友
愛弟覲未仕請以一官回授之事虽不從人多其義
予奉進士時識君京師連牆而居者三歲出入相从

尊酒相歡未嘗有間也後三十餘年而偕仕朝廷見
其粹和淳篤之守終始不少變焉呼可謂有常者矣
銘曰
君子之德不競不練在义則固于仁也柔執允蹈之
匪貞而修君克保之始終無尤特立起家亞卿是秩
入朝出麾皆是祿述其進既裕其退則佚嵩高岩
聊以永日命雖不延生亦能全豐祿居第白首邱園
其藏也固有子之矣其室安在橋里之原

西上閣門使王公墓誌銘

嘗讀前史覩國朝以來將相大臣子孫保有其家室
迨數世而不墜門法者不十數家而建雄軍節度使
魯國武康王公其一也魯公諱超在太宗真宗
朝提禁兵帥三路為時名將生忠武軍節度使檢校
太師同中書門下平章事魯國武恭公諱德用在
仁宗朝以高才偉畧名暴戎虜累殿藩翰再歷樞管
終始一節勲在盟府魯公之弟德基官至延州觀察
使廊延經畧使德恭斬州刺史魯公之孫二十八皆
以材武聞于時繼登顯仕或遙領州郡或擢在橫班

而魯公之長子東頭供奉官贈左金吾衛上將軍諱
咸熙初仕早卒生二子伯諱洋以強敏習知民政
累典州郡終皇城使仲諱淵字巨源結髮為右侍禁
閤門祇候七迁至皇城使閤門通事舍人更歷煩使
出权陝州兵馬鈐轄 神宗初即位勵精治道細大
之務罔不修奉至于典謁贊導之事無一不經至慮
者一日以閤門缺員而在職者有不閑詞令故自陝
州特乞公还上既見宣奏如礼碩謂其容列曰相儀
當如王某可也通事歲滿擢西上閤門副使久之自

請于上曰臣世以武力受國大恩臣名復在右列當
竭股肱之力任疆場之事願得乘一障盡死節以報
朝廷上曰朕方屬卿以戢事未可遽去堂預修閤門
儀制尤園閣直學士宋公次道典領其事宋公一代
名儒練達典故每稱于同列曰王君凡事詳熟議論
有本末定此易耳繼領御前忠佐軍頭引見司勾當
皇城司皇城司內廷要任晨夕侍衛宮禁以歲勞自
引進陞客省副使 今上尊常拜西上閤門使初元
豐三年始復州郡武備置諸路軍將官制九軍營陣

定鄉村保甲皆稀濶不講之政在賊者或未盡悉其
禁令公數被命業奉初往河北訪兵民利害及當官
不習賊之人條例上之令永興韓丞相時在樞密見
奏謂之曰辭簡而事該皆可施行用後其言裁制其
過与不及者十七人又按京畿將兵河東及晉絳澤
潞威勝五州軍團甲振本其賊皆稱上旨六年親郊
侍祠大慶殿未疾暴作肩輿歸第在告且久未任朝
謁上三遣使就問以所苦如何治者何人日望平愈
無事早出侍御往閱京西陝西兵馬既而再予告百

日七年夏以疲憊請開局詔提舉兗州仙源具景靈
太極兩宮觀公事居家養疾皆出特恩非常比也既
間居每自念荷至主非常之眷未知所報而死不能
死有餘責矣八年三月間先帝遣詔強起望哭
移時凡絕者數矣裕陵葬引前方將扶昇臨哭缺門
忽夢先帝召如平生既寤感慟久之以其年七月二
日疽發于背而卒訃聞詔卹其後廷季子官補長孫
為三班奉職初金吾之亡公與伯兄俱在乳抱母延
安郡太夫人夏氏躬自鞠育形燥居濕逮于長城魯

公矜而憐之賞延之恩先于諸子又使受學于諸儒
出則從士大夫遊以習禮法其後兄弟競爽循蹈規
矩亦由母慈至而祖訓岩故也自登朝從官未嘗速
左右間被遷為成都利路鈐轄亦以親年為言力辭
不拜延安後二年公歿疾且革枕曰吾不得死于吾
子之手為大恨審斯言則平旦之承順顏色有以慰
母心者可知也平居樂易若無不可者然到中謹戾
不安舉動喜飲酒而未嘗至于酣醉善音樂而不以
為能事接人初若簡淡久而益親桂人歐陽闢旅居

京師不求自達公一相見契合如平素遂留館于家
日與講論義理十餘年無少間闢至今不忍去自少
長不雜交遊不妄出入視權門尤畏懼與今新州蔡
丞相有白新州當政日每相招延則一往旅見語不
及私子弟或問故應曰仕宦當尔輩亦宜知此則
寡悔矣 神宗因問語及對曰臣愚不能周旋人事
耳非有他也三使契丹北人首訪其族曰得非兩世
太師之後乎荅曰曾大父大父也及燕射屢中的衆
駭曰是果有成法也四為南郊明堂御營四面巡檢

皆以办賤蒙賞初仕時年尚少入侍殿閣以勤恪著
稱仁宗已識其名姓嘗以御書无白字賜之沒詔伴
高麗使人南苑燕射 神宗以御弓一御箭四賜之
是二者皆郡臣所不得与及班列中咸以為榮遇也
夫人蔚氏殿前都指揮使保靜軍節度使昭敏之孫
封永寧縣君治家岩族而門内清約室无玩好旁无
姬媵有若儒素熙寧中諸父俱亡伯兄外守边要家
事悉以妻公拊循廢弱叫率群从使就問學賙給均
一内外忻以睦如是且十年無一日替舍内有猫

相乳者八人以為异焉子四男子曰任内殿崇班曰
价供備軍庫副使曰侯右侍禁曰仇右班殿直六女
子五適人一未行壻曰明州錄事參軍夏大同石侍
禁張宗陶蔡州汝陽县主簿李元徽右侍禁石京鳳
翔府司理參軍張克勤孫九人曰壻三班奉賤曰珮
曰璫曰玳曰璟曰玳曰璫曰璫曰琳並未仕孫女九
人並幼王氏之先世為趙人而占數常山真定县自
魯公徙葬河南府密县密令隸于鄭故又著籍于鄭
州管城县諸子卜以元祐四年八月戊申奉公之柩

葬于新鄭縣旌矣鄉尹固村前期任以狀托銘于予
其請勤：至于十數且曰先人操守介特平生交游
雖多而知之者鮮非公春紀始終則懿行遺美懼無
述焉予惟疇昔之好重之以熙寧初同使契丹尤相
親愛每聽其言多及朝廷政令之要問其所趣皆忠
義謹厚者所尚之事其矯訐刻覈之行曰不能為也
予又熟其伯兄之所存亦相類于是竊嘆曰王氏家
訓如此宜乎世有其人今虽亡矣而嗣競功若然其
子孫又有成立者則門構益不墮矣因為之銘曰

璠琦之珍產于荆昆公侯之貴亦出名門懿彼上閭
遐哉慶源常趙之族將相之孫少登顯賤多聞博識
贊揚命令雍容謹飭神宗所知中外宣力受命按兵
勤躬体國資遷遠時數亦多奇中年而逝雅志終虧
岡陵薈：塋於新密世德不忘曾云襲吉

壽昌貝君王氏墓誌銘

皇朝宗室之盛敦睦之恩至其子孫之加吉吉禮一
皆主于朝廷凡通昏于諸臣之家非夫氏族之著而
婦事之宜者蓋艱其遠右武衛大將軍柳州刺史叔

顧故夫人壽昌縣君王氏其人也夫人之先為河朔大姓後以仕宦从卞今占開封曾祖諱審琦忠武軍節度使同中書門下平章事追封秦王其配曰秦國太夫人曹氏祖諱承德東上閣門使合州刺史其配曰西平郡君石氏父諱世厚內殿崇班其配曰平原郡君趙氏此世族之著也夫人資質修姱和柔敏慧其族中嘗推異之年十六而归宗邸奉事尊敬動有動礼法家以寬容稱在夫室七年謙恭慈順無媚妒之行左右有过失則以理責教未嘗施鞭箠而衆自

稟閨門之內雍然無間言此其如事之宜也年二十三不幸早世其初被疾甚力武衛憂見形色為之歷訪醫診砭餌交進繼之以禳禱之事無所不至其止也武衛念伉儷之矣淑悼其不得偕老喪禮之外又為之屏去葷味日誦浮屠言以資冥祐且親戚開勉久益不廢非夫好合之德素茂則安能感其良人若是耶夫人以熙寧二年三月二十日卒于官邸以其年十一月十日葬于汝州之梁縣秦悼王之故域先姑李夫人家汝男曰擇之今為太子右內率府副

率其二男一女皆先亡銘曰
相王之孫宗侯之婦有美淑貞云何不壽生宜厥家
葬送先姑令閭不已納銘出壙

贈右屯衛大將軍趙公墓誌銘

公諱叔趾秦悼王諱延美之裔孫曾大父德棄為穎
川郡王夫大父諱承矩贈相州觀察使考諱克循追
封東陽郡公惟王之子孫在屬籍中特為繁衍而朝
廷敦睦之厚無有踧蹙恩禮一均故公生五歲以賜
例授太子右內率府副率十餘年而遷至右千牛衛

將軍年十九不幸感疾而逝詔贈右屯衛大將軍茲
所以見恩卹始終之至也准狀公東陽之第七子母
日安定县君彭氏生于皇祐辛卯四月六日卒于熙
寧己酉五月二十七日其為人純和質重喜親師學
于父母孝于兄弟睦而儀觀甚偉在稠人中見之者
無不聳然以恭是謂公族之秀者也以服父喪繼罹
國恤未及昏媾其葬也以卒之年冬十月十三日從
故相王葬引而西以十一月十日祔于汝州梁縣秦
王之墳次有詔詞臣為之作銘曰

孰昇之資生于國宗胡奪之年甫冠而終其生未室
其藏有封于汝之墳先生之從

二六二

蕪魏公文集卷六十

蕪魏公文集卷六十一
墓誌

龍圖閣直學士致仕李公墓誌銘

少府監致仕王君墓誌銘

朝請郎卒君墓誌銘

朝請郎李君墓誌銘

龍圖閣直學士致仕李公墓誌銘

龍圖閣直學士正議大夫致仕上柱國隴西郡開國
公食邑三千戶濮陽李公公儀年八十四以元祐四

孰昇之資生于國宗胡奪之年甫冠而終其生未室
其藏有封于汝之墳先生之從

二六二

蕪魏公文集卷六十

蕪魏公文集卷六十一
墓誌

龍圖閣直學士致仕李公墓誌銘

少府監致仕王君墓誌銘

朝請郎卒君墓誌銘

朝請郎李君墓誌銘

龍圖閣直學士致仕李公墓誌銘

龍圖閣直學士正議大夫致仕上柱國隴西郡開國
公食邑三千戶濮陽李公公儀年八十四以元祐四

年十一月某甲子考終于濟南郡退居之私第終以
正也以紹聖二年二月某甲子返葬于濮州郵城縣
遺直鄉柶高里墓後先也前期嗣子駕部員外郎孝
純以季弟密直君承之所序狀走書南徐請銘以識
其壙予惟先世並游之舊甘泉嘗僚之契紀其功伐
書于樂石云公儀諱肅之公儀字也贈太尉諱遜之
子贈中師中書令兼尚書令蔡國公諱護之孫贈太
師中書令諱令猷之曾孫天聖中以世父故相文定
公乾元節推恩奏補將作監主簿初命監大名府軍

資庫年少氣勁早有才譽大河溢張家口府命督修
冠氏縣堤芟薪出納之事畚築力役之政晨夕親臨
如期而功就冠氏民數千詣府請為縣宰府上其事
朝旨如請既滋職視民所先急者宿寇根據鄉疇人
不安其居乃檄令使鄉村置鼓並發擊之遠近聞聲
而畢應民既知教因親臨試鼓鳴而保伍層至自是
盜為哀息都轉運使李公紘奏為御河催綱景祐二
年河決橫隴又奏巡護金隄滿歲無溢蓄之患摧通
判德州改澶州慶曆二年契丹遣耶律仁先劉六符

馳札赴缺將過郡而病譙楯頽缺即謀于郡守曰吾州寔景德初臺輿誓虜之地今泛使來而城疊若是萬一朝廷有問則土木暴具其擾甚矣惟先事為備可以寬責于是料工度材增罅補漏成屋千區已而果有中人銜命檢視指頽彼置不日而棚樓一新使者驚異時我先人自禁林貳樞副任公出使修建北京往復城中目其治迹歸言于上擢知德州未幾以施黔壹首田忠霸寇邊被遠提点夔州路刑獄公事到部往趨岩喻諸蠻以威信衆遂伏竄室書褒其勞

就移提点開封府界縣鎮公事賜五品服出知沂州人常若沂水敗橋水涸修復之患乃詢于衆咸曰家戶輸財無有寧歲于是教為興梁使可徹置植堅木為杠橫巨材為棟夏秋撤去至冬復白暫勞永逸衆以為若是便于今不虞河北歲歉流殍至郡視其強壯者募為兵羸不任者舖以庾粟祇春遣還兩得其所歷深澨二郡役湖荆南路提点刑獄皇祐三年廣源儂智高犯邕管侵掠十餘州朝廷至大遣臣經制湖湘容逯賊境使者實任其責于是親督諸郡兵

往禦其衝廣東蔣偕王正倫追賊湖嶺間失利又率
兵丁往收其餘燼招輯散亡躡跡討衺過臨賀賊遂
引去一境帖然經制使狄青孫沔言狀朝廷第賞特
轉尚書主客員外郎荆湖北路轉運使辰陽彭仕義
之叛被詔親行處置乃盡攻取策授郡將宗守信進
兵窮討徑山板篁竹之嶮兵不得前又為之募敢勇
士為鄉道直祇溪州破蕩其巢穴賊平以太夫人高
年求鄉郡自齊易海就遠江東轉運使徙兩浙時以
浙河水災籍諸州役兵躡濬堤竭不勞民力而蘇秀

之患除移成都路改河北賜三品服遷江淮發運使
是時方治汴堤創木岸以束湍流久之未就特旨召
赴相府叅議于是有都大提舉陝河之命既而提岸
卒成以親喪去職服竟由三司勾院進度支副使厚
陵之役百費所出皆先期應辦公私無擾除將作監
再領發運使因對神宗皇帝問西夏諒祚犯大順
城事敷奏合旨翌日拜諫議大夫知慶州既至治戎
政嚴攻守之具將佐稟命常若寇至虜聞聲而戰數
月移瀛州熙寧元年河北大水地震數州累日不止

城壘廐庫公廨民廬摧陷几遍乃躬冒泥濘中指喻僚屬為之區處倉庾粟麥暴露者則結草為園圍而以儲積之沾漬者出以賑流冗編戶之無蓋藏者為茨舍以居處之公于亦如其制又嚴盜賊之禁下令民敢有乘突剽攘一切以軍法從事後有叛卒夜掠民財立捕斬以徇人遂安息上聞其措置有緒特遣中使勞問賜茶藥以示優卹踰年拜天章閣待制權知開封府出知定州召還權三司使司事出知永興軍換貴州改齊州提舉南京鴻慶宮三命皆自請也

過都苗提舉中太一宮判將作監元豐元年拜龍圖閣直學士知鄆州占謝日上謂之曰鄆介濮齊之間在鄉為便矣州自曹村決口之後積水為患甫下車為之相土高下創築長堤請民丁萬人予朝一月而成水患遂除四年告老優詔提舉兗州景靈宮太極觀遂居濟南七年致為政而歸退休六年而精力架徒每歲時節序率子侄輩往濮上祀先壙合族以食忻然步趨笑語少年不若也早通筮乾之教持心行已衷無隱情常曰吾無他長惟至誠待物而已故

其啓手足之日疾無甚苦忽語諸子曰人生一夢耳
寂尔順化豈其生也操行純固故其柱也若有婦為
夫人宋氏前十一年卒于京師追封延安郡夫人子
六男子長即駕部君也次曰孝謹通直郎孝愿宣義
郎皆先亡孝錫通直郎孝益宣德郎孝常承事郎五
女子孟季皆出家為尼曰智滿號明覺大師曰慈妙
悟真大師三壻大理寺丞韓鎮國子博士張照宣義
郎王仲康孫男二十三人仇宣義郎傳僅仔侍倚皆
仕銓選為州縣掾佐曾孫二十二人公儀性明達周

知世務而于吏事尤為精密敏而能斷主于寬平不
戾文法其治郡也不為條教事至而應初涖東海牒
訴滿庭下獨于稠人中指一叛卒訊曰若非前九年
沂州犯盜而亡者今尚不悛即卒寘於法聞者畏惕
其奉使也務舉大体不以小察為明未嘗以細故累
吏：服其公其立朝也直以奉上勤于濟務尹京主
計不累月以治最聞凡七領州節皆近于鄉隣而濟
南三至兩為提点刑獄五為轉運使而成都以親年
免行制溪蠻禦邕寇績效尤顯六領方面並兼一路

安撫使而慶州又兼經畧使馬步軍都總管高陽捍
患之政至今人猶能道其事而為提舉在京諸司庫
務皆以疾拜府省特恩授之再至又兼羣牧使判三
班其別使則体量陳亮水灾相度張馬對門分糶都
城水患護魏王莖事賀大遼生辰皆稱所職出入中
外六十餘年自九品至三品更十六官用歲月轉者
少由功最迁者多兩拜內閣所准寔跡可紀而無悔
尤晚歲以學士歸老里第遶辰錫福既貴而壽且康
善始令終仕宦如公儀者幾希矣少有至行年十四

時從文定公南遷衡陽至復相不離左右公薨又請
沂州以奉裏事在德州聞先公訃即時徒跣赴殯居
太夫人之喪廬墓三年不入城郭曹河流壞先壠躬
募鄉民負土增葺季君密直君生數月而孤親為鞠
育誨導以至大成密直君嘗曰承之奉兄如父兄之
視我如子因省兄陳由過都 神宗特出見勞問面
諭曰卿家可謂一門忠孝其天平除書有父子忠孝
兄弟顯人之語當時賢公名卿多以端方目之王沂
公呂許公杜祁公富鄭公韓魏公最為知已冠氏則

沂公之薦夔路許公祁公所引用木汴則魏公委擇
其為君相祿弄如此李氏世占汴上為東州望族自
文定公薨未數年而公儀兄弟以才名相繼登朝元
昆東之太子少保仲元徽之正議大夫亞弟及之通
議大夫立之中散大夫並以年德致仕而終季弟宥
直君與公儀同時為孝士令子任踐省寺使一道者
又數人諸孫及曾仕與未仕四十餘人克紹家訓有
後之澤其可量乎予治平初為度支判官與公儀同
曹共事相好尤篤追絕平昔愴然于懷系之以銘言

不逮意銘曰

伯陽苗裔飛將來雲山東著姓濮水名門相有遺直
慶貽後昆弟兄鳴玉子姪輻軒藩朝互陟實岬齊蕃
倚欵內閣克承世芬聲馳初仕惠布黎元公卿交荐
州使宣勤梁沂罷飲木坂通堙上嘉乃績詔錫褒言
尹京主計劃閭藩軍中外更踐寇數便蕃再由持橐
懇丐卿杓玉符琳館汶水仙源遂還印綬退老邱園
公生昇甲仕遊華勳壽弥七紀家有曾孫婦全新第
返壘先原始亨終吉本固枝繁垂於永久考以斯文

少府監致仕王君墓誌銘

由京師舟行東南五百里而近郡曰汝陰地瀕淮賴
厥上良沃水泉魚稻之美甲于近甸言卜居者莫不
先之故自慶曆以來賢士大夫往往經營其處以為
間燕之地嘉祐中予忝麾守時長樂王深甫徙閩籍
占著郡內未幾潁川卒成之罷郡鄂渚過境由居而
同郡王君隱甫來自壽陽治第中郭常與二人者游
皆以僑寄遂為鄉党隣里焉深甫予友也成之亦予
從外舅在郡適以最數因而接君甚款每燕游造適

而三君未嘗不同之既而成之調官而還未遑卜築
君獨遺遠官情樂此勝概後雖腰郡章臨九江遠去
數千里而心未嘗忘之其滿秩也年方六十六矣去
而謂人曰吾里有第鄉有田而予有祿可以休矣遂
上書請老朝廷又官其一子以寬其歸因定居焉遂
巡鄉閭行自適而論者亦稱其勇退為得計後三
年六十九考終于新第克塋于汝陰縣旌義鄉新安
原又十二年以夫人張氏之柩合祔焉從吉卜也君
諱山氏隱甫字也其先臨汝人曾祖夢徵贈太子太

保祖嗣宗左屯衛上將軍致仕贈太師諡曰景莊父
九齡感德軍節度推官累贈尚書工部侍郎妣溫氏
追封仙遊郡太君太師在 祖宗朝以文學登以甲
科以才謀致台輔藹然声誉見于時一捐館許田就
塋其邑子孫復為長社人君用祖蔭祥符中補將作
監主簿其後通閩籍服五品進陞卿寺出典州郡紫
衣金章爛如也其為人謹介自持不撓非法在家無
子弟之過居官為小職吏始監荆南越州江陰軍酒
稅權知温州永嘉縣歲餘徙知賓州通判壽安泉安

四州最後知江州凡遷秩十有五等而位正監厯官
十政所至雖無赫赫而課局有羨吏治無廢不為
矯激之行以取當塗之知然仕官凡五十年未嘗結
于吏訟在賓州時年尚少已能修奉政令谿洞僚吏
聞其風無敢犯境遭歲大穰郡素不儲穀價狠賤
君自外臺發庫錢廣平糶以紓民勞俄而歐希範寇
宜州官兵進討軍須轉餉年賴賓廩以濟部刺史上
其狀于朝法當遷秩有司以不滿數旬而格其議君
獨無一言以稱伐六安苟陂隄壞久不治君議調夫

繕完躬自董役既成而歲大旱民獲其利為多凡此
足以見其不苟簡于職事不汲于進取他可知已
始娶某郡孫氏封永康縣君早亡張夫人繼室也二
部侍郎正倫之孫女封京兆郡君桑訓靜專能盡婦
道家庭雍：而無間言子男七人日浹通直郎河北
轉司運管勾文字日濬巴州司理叅軍日泳未仕渥
開州萬歲尉漸承奉郎監開封府襄邑縣倉草場沂
華州浦城縣丞濤湘州司理叅軍女二人長適鎮安
軍節度推官監解州解縣鹽池某次適宣德郎曹孝

廣祿十五人初君終于熙寧四年夏四月庚辰葬以
其年十月甲子合祔前期一日決等泣訴于予曰昔
我曾大父太師景莊公之勳爵行義應謚于朝公為
奉常寔由一言以定其議而声光煒：垂榮至今惟
皇考大監仕歷四朝代閱無玷而退默自守不求顯
聞故當時公卿無深知者公昔守潁嘗蒙顧遇不朽
之事敢復干一言以傳取于後其培孝廣又從為之
請予惟平日之雅固不忘也又嘉君有子能顯揚先
人之善而其所稱述皆予昔之見聞也故得以詳載

之夫恬于仕進者官不漸達要之適志意而已祿不
漸侈要之代勞力而已名不漸顯聞要之遠羞污
而已若君者智能遠害而殆于趨時力可任事而勇
于知退方其未哀休、焉以婦籍素資以享晏安之
樂願其所得豈不多乎孔子所謂言寡尤行寡悔祿
亦在其中矣其少府君之謂乎銘曰

王出汾陽系于通祖太師始大遂廷舊許宜尔子孫
或榮或冢少府來頌樂彼風土卒葬其地在淮之許
後十二年夫人始祔卜人曰吉利其後嗣太師立朝

功崇著少府恂、与物無忤夫人成家允矣健婦
積善相承後昆是裕如卜者言當享榮祚

朝請君辛君墓誌銘

嘉祐六年 仁宗謂輔臣曰科舉取人拘以條式敦
朴有道之士或至棄遺是豈朝廷求才之意耶乃詔
諸路州郡訪求遺逸敦遣詣闕試而官之時故相右
僕射兼侍中判許州賈文元公洎京西轉運使提點
刑獄凡五章列上長社進士辛君廕化光文菽節行
鄉里推服召試西掖中選者十八人化光在第四特

賜進士出身試秘書省校書郎知河中府永樂縣當
時議者咸謂聖主崇獎儒行恩及草澤實曠世未行
之事翰林尚書宗景文公遺奏以為取士不刊之法
其為天下稱贊也如此化光尚書比部員外郎贈光
祿大夫諱有享之子駕部郎中檢校太府少卿致仕
贈戶部尚書諱若冲之孫故叅知政事太子太傅致
仕贈中書令諱仲甫之曾孫曾出隴西金城之世自
汾州西河縣再徙潁州今為潁昌府長社縣人化光
少以名家子向學勤刻綜賞書傳與士大夫游當時

賢公名卿至許者莫不推挹以為遠器累奉進士不
偶既壯矣自謂命之奇隻不可強進社門養志幾十
年而後聘命治平元年英宗皇帝立諸王宮大小
李進儒素之官為教授受使以經義訓宗子化光自
永樂召為韓王奠王官小李教授嘗以謂貴游子弟
以諸生法約束之則愒而難入故謂之別立貴程
日誦若干言書若干間則大集講解所誦書習為文
詞庶幾漸靡成性若自然耳于是宗子以其規矩簡
而易行莫不悅從未數年而學益進能循禮法不為

非義繫善誘之益也以歲勞遷大理寺丞仍回任凡六年求外補益差通判大山軍故相韓康節公与化光鄉友也帥并門鎮武定皆奏辟管勾安撫司機宜文字累遷尚書屯田員外郎官制行換朝奉郎府罷還審官格以常遠王官洎機宜雖積十年四任而未嘗寔厯令宰不得升秩復當領邑合机宜罷舉取嘗為此官者為首進化光忻然不恤復領真定又二年仍未外任由是朝廷知其才久滯常調用為光祿寺丞遷太常博士逾年遷為王府記室叅軍再轉朝請

郎化光為人外溫和而內勁正與人共事推誠相親議論有不合但不言雖不從未嘗更色後或議奪而氣益恐怍自以為事勝而怨增生非孤拙所宜也故在王宮及國師二王多詢其故事特加礼敬盡得內外之歡心其去也從學者至涕泣流連不已雖給使皂隸輩亦遇之以礼未嘗情忽其周旋于事皆此類也在帥府雖邊書叢委皆悉力裁奪動中机会帥長賴之以厭折多矣天性孝義愛親戚辛大族也昆弟皆喪逝而貧居食日益衆化光月給以俸錢僅二十

千此外有婚喪又輟射以周急內外屬之居京者過
四時節序餽食之飲未嘗絕之死之日家徒四壁族
人住俸失所者七八家平生無他嗜好獨喜賓客善
談諧至于歌嘯終日不倦罄家之有無以供饌具故
士大夫無不與之交好者平居康健未嘗有疾一旦
暴得後瘍漸不能與伏枕月餘而卒時元祐四年七
月一日也交親聞訃無不嗟感而痛善人之云亡也
予與戶部侍郎韓公持正給事中趙公無愧往撫其
櫬慟哭相弔右丞相范公堯夫尤深惻恨不得臨其

喪日遣親賓往問其喪事周恤尤厚嗣子公琬素承
清白之訓家無一簪之貲奉養難苦予之息喜化光
甥也使往幹助得以盡禮以其月二十八日奉櫬還
陽翟以某月某日葬于三封山某穴從先某官穴之
左夫人王氏某官之女美淑善治家前三年某月卒
先祔大墓自夫人之歿化光自以室無主饋忽不
遑蓋平居奉親戚持賓客所以周旋無間皆內助致
然故也一子即公琬以致仕恩補太廟齋郎二女長
適臨潁宿壽昌亦其甥也次幼在室予與化光友且

親道術相志中無間然每盃酒意適則歌呼縱放至
忘形骸稍隔潤則以為不足及病且亡予為之恸
者累數月不能已益念相知之難得也其墓也公琬
請文以誌莫壙遂為之銘曰

幸系隴西金城著姓中從河汾數世不競流光自遠
是生中令佐佑神功入預大政歸老賴川厥居以定
子孫蟬聯衣冠益威化光特起出駕封軺一命宰邑
掌民儀宗藩典教邊城贊條五恭帥幕遠巡不起太
常光祿預議中朝上遠耆老典記王僚博識多聞納

言敏行善與人交久而益敬或出或處安之若命胡
不永年遽至大病歿有遺恩塋從先正既安故邱復
貽後慶

朝請郎致仕李君墓誌銘

朝請郎致仕護軍賜緋魚袋李君諱況字希荀秦州
海陵人予仲妹婿也曹祖祥祖載家世力農自業不
求聞達鄉閭有長者稱考容少以豪義自奮起家為
三班官非其志也乃還鄉教二子以學問為求良師
友躬自課厲以至成就使舉進士相繼取科級仕歷

州郡卒用其非朝恩累贈正議大夫配朱氏追封同
安郡君長子曰洙累官朝奉大夫次即希荀也大夫
宰邑典州治有異尋其為政簡而明遇事乃斷不預
為條教故吏不能逞其意以用事姦蠹以此亦自息
予治平中為淮南轉運嘗荐其高郵最狀後得官多
遠僻未及為朝廷任用而卒希荀治行大抵相近蓋
昆弟講學有源故政事皆不撓也始予妹適宗氏未
久而寡子幼未有所從有言希荀家行慈睦可託遂
以歸之希荀視宋之子猶子也恩勤鞠育若出天性

然加之以矜憐惻怛及長成為之冠婚如礼卒使宋
孤視已猶父無間然人以為難也咸謂推是心以施
于有政則老安撫躬風化末俗易也希荀質性滌
茂矜量夷坦與人交盡誠無隱言諛洞見底裏于親
白間雖狎侮造次不失謙恭急人之病甚于切已當
官勇于敢為用法主平恕而未嘗失有罪持議不阿
優柔盡理或所見異同至于辨爭而同僚不以為忤
蓋知其誠意非他也初為真湖二州掾端太平二郡
從事時年尚少持文法報期會久更事變不能過也

州委業蕪湖縣遭火事迹火所起曰烟燎無從來志
衆救撤湫焰連日不息此天災也豈人力可禦乎于
是為之辨明白州使官吏得免役坐用荐奉格改秘
書省著作佐郎四歲進本省丞知潭州湘潭縣就徙
通判衡州每病衡守疾惡太過徒隸為引視民有犯
已決猶留州役即有代乃釋為引瘡病律白守罷之
屯戍禁卒賊殺有罪不殊吏以戍兵功惡當軍法後
事誠曰州縣接蠻境其內地卒非行軍猶在營也
自宜處以常法衆不能奪元豐官制行由太常博士

換承議郎三轉至朝請歷通判太平秀州有故人子
為嘉興主簿暴卒知其貧不能奉喪為已出俸贖之
遂得還葬未幾同提舉三門輦運以廣濟十軍歲挽
漕舟最号重役至冬當休而白波常託河隄備虞及
期不遣斃于凍餒者十六七于是為坐放凍令籤白
波放還得稍憩泊外臺計者交上其勞朝廷稍欲試
用遂知海州未行以疾請納祿守本官致仕詔下一
日而終于河清之官舍時元祐五年十二月某甲子
日享年六十二希荀自解中褐訖督手足凡四十二

年歷十一官九更事任並以資履叙進未嘗干功賞
倖超擢所至皆有善課而無毫毛過失不与物競而
戢事办年雖未壽而克保終吉宅積厚所未者遠耶
至今淮甸士大夫語人物者猶稱二李而云樂善好
義希荀又過之可謂善人君子也初娶譙郡曹氏封
某縣君繼以予妹封海陵縣君一子曰炯用致政補
太廟齋郎今為泗州臨淮主簿四女三適人一早亡
長婿蘄州判官章觀次進士郭景亮次宣德郎陳師
常一孫尚幼李氏居海陵世數遠矣死皆葬焉而城

郭禍隘歲久居者蓋衆瀕海爲鹵薄而塋者又少岡
陵吉壤希荀既仕官數歸患其然往來吳中樂京口
土風且密迩海陵盖有意居且塋也未及而卒炯探
其遺志遂謀塋丹徒筮縣之大慈鄉道仙清西山之
原吉以紹聖元年二月己未厝柩于幽堂事已奉母
氏葺居郡城遂著籍焉一日炯號泣謁予曰先人行
義德業早蒙重援今去泰徙潤當有文以誌所遷之
由非吾舅莫得其詳予知希荀者也平居愛其善論
議有推已及物之志亦欲乘時施為然安恬自信不

汲、于引取昔嘗與故相蔡公共事相期久遠情好
尤篤蔡公秉政數招延勞苦勤厚希荀對之但問無
他道曰故笑語如平生無一語及榮利蔡公亦恚其
雅志終不及引用而去其所以仕不至顯大者未必
不由此也可無述焉銘曰

君子寬恭信敏而惠悃幅無華古之良吏孰克有之
可以言治我黨荀也其庶乎是侃、惟荀氣充貌溫
有容雅度可復誠言在割能結靡怨惟息渾純篤厚
孰見涯根江淮濯纓玉畿結綬鴻干始漸驥路俄驟

出將漕最權分符守資適逢時假年弗究厥生海瀕
其復河洋孤博負樞卜竈京原民懷遺愛士想清芬
德必有後其在嗣人

蘇魏公文集卷六十一

蘇魏公文集卷六十二

墓誌

并父尉衛寺丞景陵府君墓誌銘

長太郡太君高氏墓誌銘

萬壽縣令張君夫人蘇氏墓誌銘

彭城縣君彭氏墓誌銘

仁壽郡太君陳氏墓誌銘

福清陳氏墓誌銘

叔父尉衛寺丞景陵府君墓誌銘

卷六十二

一

蘇魏公文集卷六十一

蘇魏公文集卷六十二

墓誌

井父尉衛寺丞景陵府君墓誌銘

長太郡太君高氏墓誌銘

萬壽縣令張君夫人蘇氏墓誌銘

彭城縣君彭氏墓誌銘

仁壽郡太君陳氏墓誌銘

福清陳氏墓誌銘

叔父尉衛寺丞景陵府君墓誌銘

叔父諱繹字謀甫諱紫家譜蘇氏自唐許文正公瓌
至叔父凡三徙籍今為安州景陵人許公之曾孫曰
奕元和中終光州刺史子孫因家于固始光州之四
世孫贈隰州刺史諱益自固始從王潮入閩又為泉
州同安人寔生我高祖屯衛府君諱先誨國朝太平
興國初從泉帥陳洪進入覲以前漳州刺史拜左監
門衛將軍生祭酒府君諱祐面歷漳州司馬祭酒生
復州府君諱仲岳舉美良擢進士第逾月覆落換三
班官歷閣門祇候左屯衛將軍提點荆湖南北兩路

刑獄知宜即復三州復州生七十叔父次第五間中
號七君少力學有家法年十七從進士以病臂不克
赴試遂棄詞業專精文史陰陽星曆占筮術百家之
言靡不精造喜推考人生年月日時以五行星數恭
驗休咎合若符契又孝道家養生吐納禪宗止觀傳
心之說因侍官景陵在郡服先府君喪遂占數焉方
是時我先人在翰林乾元誕節泊南郊祀成皆得推
恩子弟教欲荐仕叔父辭以病廢無妨他子弟之宜
荐者先人善之遂任幼弟誕及其子顛皆為京司官

自是亦父不復有榮進意結宇近郭闢為賓館躬殖
才產才取贍足日與鄉人為飲食宴樂之好凡賓客
過從無問高下色目一接之以禮至于館餼祖行亦
不以菲糜問則設道真咀禪味考運命閱骨相人有
咨訪皆盡誠為之評析一經其品目後悉如言于是
要途要官使車過客郡者必造其門若令門下章公
子厚樞密安公厚卿危喬閣王公勝之皆嘗因使咨
訪期以遠到諸公至今稱道不已士論莫不伏其鑒
裁也年少時尤好黃白点化之術一日有道人過之

云我蜀人也今老矣願有秘訣欲求人而授之得其
人則我將逝矣因命取水銀一盃坐間銷為白金并
父驚異而未敢遽問姑由冥于客館其夕道人奄化
遂貨其所銷白金為之具舍禳買地以葬其資費遣
取足焉因歎曰茲事信亦命乎吾平生接方士多矣
無不思祈而力為之每患未盡其術今遇異人求我
而我不忍其心也其是道人先知數盡假手于我以
送終乎而吾不得受其術是命不偶也何必復勞心
乎遂搜索故所蓄方藥盡焚棄之終老不復語黃冶

事聞者嘆其信道篤而知命深也治平中以顛陞朝籍思他苦一日嬰小疾遷令召諸子及外姻之在遠者俄而畢集即語以後事翌日書禪偈一闕捨筆而逝時熙寧十年某月某日也享年七十有二孀氏劉温州平陽縣主簿諱平十之女平陽早有時譽先祖同奉直言被召至缺下會罷六科從進士一命而終孀氏柔婉和惠善家事方叔父間居延賓客飲食飲酣夜以繼日如是數十年而中饋未嘗少乏交親稱其賢明前一歲捐室三子長曰頴季曰頴皆奉進

士仲即顛也博學有文詞官至殿中丞歷監官局三司主簿知汝州葉縣所至有治迹公卿多器其才能方見任用以二親連喪不勝毀瘠逾月而卒一女適承議郎太僕寺主簿張承嗣頴頴方舉裏事以元豐七年某月某日奉二親塋于某縣某鄉某里而頴附于某方從先志也某日鰥角即從升父之教告在子姪行待遇特異自聞長訃以官守道遠不得哭于靈帷固已痛恨矣今先遠有日又不得挽柩執紼以盡哀情其愴慟奈何竊惟升父以文孝遺世而曾不

得一試有司以高行聞當時而又不得一連朝廷終
以未疾自弄卷怀不用是可悅也然端居里閭間燕
自適康寧壽考終其天年頌其所得亦不為少矣若
考其所履則在困而安能任命也居道不晦善壽窮
也清高博識似司馬季主嚴君平而心無適莫不厭
遠于塵俗放達文雅似劉伯倫陶靖節而躬蹈規矩
不輕傲于軒冕蓋清机遠覽俛仰隨時得君子出處
之宜達天命中和之理宜才為宗族之矜式而士大
夫所以推挹也諸弟以某周知宗事請文誌壙某雖

粗記緒餘而識致不敏安得發明亦父高遠之趣姑
彷彿其言行載之于銘銘曰

古之君子隱居求志山林朝廷出處一致或止或行
與時偕逝囿于物者反為物累惟我叔父行完道備
孝通精履性資恬智初遊詞場豈不欲仕遇因而休
非為傲世卜居江湖棄道勢別利造適交親笑語道
範尊酒不空清言有味士聞其風不遠而至子將人
倫景純占筮託意寓言聊以卒歲復覩沔陽流光漢
滋從子勒銘以告來裔

長安郡太氏高氏墓誌銘

蔚林太守朝請郎陳君將以元豐八年十一月甲子
塋其先太夫人長安郡太君高氏于潤州丹徒縣白
茆山之某原前期琢石以屬其甥蘇某為銘且志其
卜遷之所由云惟陳氏世居泉南役則塋其邑至朝
請君昆弟少仕官奉夫人居江淮者三十年不復南
歸既而遭喪家吳中後議喪事卜者丹徒土厚水深
宅壙于茲吉莫大焉于是迁其柩櫬而安厝之君子
以謂得禮之宜也夫人之先潁川長社人父諱守成

以才力顯于時典故東上閤門使張昭易同給事晉
邸 太宗慕極擢東頭供奉官方見寵用不幸早卒
詔卹其家事故婚姻多通貴戚夫人生而警慧柔嫻
謙重出于天質非妯訓之所及見者皆奇之為之擇
名配久無可者于時內閣潁川公初擢進士第調嵐
州軍事推官以二尊高年思得潁人以佐膳饗聞夫
人在家之矣因以禮請遂合姓焉潁川公孝友清白
為朝廷偉人而夫人恭靜和順能成君子之志奉上
率下舉動有法周其族人西盡情理無不得其款心

者舅姑則曰順婦也姪婦則曰美姒也六親則曰仁姑也有家七十年而中外無一間言前志所稱美明辨通節義者夫人皆有焉穎川公諱某終尤高閣直李士左諫議大夫開國本望累贈某官三男伯曰紹孫太子中舍通判虔州仲曰維孫國子博士並卒李曰維孫即朝請君也三女長婦于我先人翰林侍讀李士河陽府君實生小子某等以夫子宮封河南郡太君次適故鄂州節度推官蘇玠幼適國子博士鄭几夫人享年八十九見其中外孫數十人康寧貴壽

考終官舍豈非寬仁厚德福報之所及耶銘曰元聖有言曰仁者壽夫人之矣天錫之祐寬裕唯德肅雍乃儀曰婦而順曰母而慈積是慶善宜其家室既享承年亦保終吉泉山故壙曲阿新邱土壤雖隔魂氣同遊卜人曰食未商之利識以斯銘世無敵

萬壽縣令張君夫人蘇氏墓誌銘

西出廣陵故城十三里所有大墓在蜀岡之南曰馮家原集吳張公之所宅也集吳之次子曰潁州萬壽縣令挺卿斯立祔其壙西南隅之康地堪輿家曰山

連允乾永流丁未其前望京山諸山拱而揖之皆吉
符也元豐八年春正月集美之孫天長縣主簿充南
京國子監教授康伯昆弟將葬其偏親彭城縣君錢
夫人得吉卜矣又各世母武功蘇氏之柩同用其月
己酉厝于斯土之右方幼子偉老從之蘇氏子長妹
也我先人太尉公翰林府君晚得女以其秀且慧故
特撫愛之始稚而孩已能言漸誦章句少長而承禮
義之訓又能秉筆為語詞及笄擇配且久乃以通毫
州司法呂昌緒三故相文穆公之孫也甫三年而

寡後四年獲婦斯立矣而有文章好學不倦平
居不刻苦奉養簡薄吾妹從其所好未嘗見于顏色
又七年而斯立卒且葬矣乃歸寧太夫人河南郡太
君日侍膳外則以未亡自處不復接外事惟閉閣冥
心誦佛書而已三雖親戚亦少有見其面者熙寧五年
從予奉板輿守東陽二月十二日過桐廬漏港灘失
舟吾妹年四十二與偉老暨予一子穎士同日而亡
予侍太夫人悲泣之哀甚踰年還喪惟陽取于開元
佛舍又十三年始克同穴張氏三子長康直用斯立

之舅翰林錢公補蔭為郊社齋郎次康壽次康叔即
樟老也並相繼天閑斯立遂無後而呂氏二子亦卒
二孫尚幼惟是窀穸之事皆教授洎其尊公前利州
路轉運判官通直君主之乃得如禮嗚呼可哀也哉

銘曰

長江之賜蜀岡西其音在商壙者宜為是斯立之世
墓嗚呼吾妹令從之

彭城縣君錢氏墓誌銘

元豐七年二月揚州天長縣主簿充南京國子監教

授張康伯昆弟既終其母彭城縣君錢氏之喪以尊
公前利州轉運判官通直君之命墓奉于江都縣東
吳鄉馮家原先塋之右城卜用明年正月己酉襄事
者出其叔舅右司郎中穆甫狀邀銘于所知予與張
氏世姻也而通家有旧故誅行載筆得其詳焉夫人
系出錢塘以曾祖吳越國王諱保始塋會稽子孫遂
占名數于彼祖諱易翰林學士累贈太尉考諱彥遠
起居舍人知諫院贈工部尚書母濟陽縣太君丁氏
故相晉公之孫女也初夫人之姑真寧縣太君既歸